

Guangjisi Minzcu Bau

ganhhau: CN45-0036 B.2017 Nd.8 Ng.30 liggaueq dingyoux nienz ndwencaet cogouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3289期

Vanzgyangh 《Yaem'wenq Mauznanz》 Youq Dwzgoz Bailozyihdwz Yienjok Ndeiyawj

环江《毛南音韵》在德国拜罗伊特精彩演出

Dwzgoz Bailozyihdwz seizgan dangdieg ndwen 8 ngoenz 21(seizgan Baekging ndwen 8 ngoenz 22), Aen Duenzysuz Bouxcoz Vwnzva Vanzgyangh, youq gwnz aen Ciet Yisuz Bouxcoz Gozci Gaiq Daih 67 Dwzgoz Bailozyihdwz banh 《Yaem'wenq Mauznanz》 cienciengz yienjok, yienj ciengz ngaizhoengh yisuz yaem'wenq vwnzva baihdong ndeiyawj he hawj gyoengq bouxyawj guetkrog yawj, dawz vwnzva Mauznanz saenzgeiz yungzhaeuj aen daizheiq ciet yisuz bouxcoz gozci Dwzgoz Bailozyihdwz bae, hix dwg faenh laex soengq hawj Cungguk Dwzgoz doxgyau 45 hopbi he.

Ciuq cam rox, gyoengq bouxyawj guetkrog gig haenhndei ciengz cienciengz yienjok neix, ndaej daengz gij moegdik gyalai doxgyau yisuz vwnzva, fatyengz vwnzva minzcuz Cunghvaz.

《Yaem'wenq Mauznanz》 aen cezmuz neix cujyau dwg yungh fwen yienghnduj caeuq diuqfoux yienghnduj minzcuz vwnznoix Cungguk Mauznanzcuz, Bouxcuengh, Yauzcuz caeuq Myauzcuz daengj guhcawj, lumjbaenz 《Gyaepfaexcuk》 《Gyaepfaexcuk Vuenyungz》 《Fouxincim》 daengj 13 aen cezmuz, langhbaij fungcingz minzcuz caeuq vwnzva

daegbied gagmiz gizdieg minzcuz vwnznoix baihnanz Cungguk, cunggfaen yienh'ok gij cingsaenz yienghsiengq gyoengq beksingq gizdieg minzcuz vwnznoix gaenx guh miz dungxaiz, yiedcingz gyaenz hek, insik huzndei caeuq muengh gvaq ndwenngoenz vuenyungz gyaendei, cezmuz gig ndeiyawj.

Ciuq cam rox, aen duenzysuz 31 boux vwnz youq ndwen 8 ngoenz 15 bae Dwzgoz caeuqfaenh Ciet Yisuz Bouxcoz Gozci Gaiq Daih 67 Bailozyihdwz, dwg aen duenzysuz Cungguk dandog ndaej iucingj he.

(Mungz Siyiz/蒙是宜)

Yungzsuij: Swnjcienz Vwnzva Feihyiz Son'gyauq Mehmbwk Gungzhoj



融水:

传承 非 遗 文 化
培 训 贫 困 妇 女

Ndwen 8 ngoenz 25, Liujcuh Si Yungzsuij Myauzcuz Swciyen youq Aen Cungsim Vwnzva Manmyauz Yungzsuij banh aen ban son'gyauq daemj(dajsiuq) man Myauzcuz, 50 lai boux mehmbwk gungzhoj Myauzcuz, Yauzcuz caeuqfaenh son'gyauq daemj man, dajsiuq guh 3 ngoenz haenx. Baez son'gyauq neix, muzdiz dwg swnjcienz vwnzva feihyiz caeuq daezsang gij souhaeuj mehmbwk louz mbanj gungzhoj lajmbanj Myauz, Yauz daengj minzcuz vwnznoix haenx. Ndaw doz dwg mehmbwk hag dajsiuq.

(Liu Swjyenh/廖子渊)

《Ceksaw Doz Vahyauz Gunghcwngz》 Bien Yaenq Oksaw

《恭城瑶语图册》编印出版

Mboengqneix, 《Ceksaw Doz Vahyauz Gunghcwngz》 youz Gunghcwngz Yauzcuz Swciyen Minzcuz Swvu Guenleix Giz bien raiz haenx yaenqguh sat, yaek dangguh cek sawsonhag gyoengq boux ganbu vwnzlai caeuq bouxyaenz Vahyauz aen yienh neix hag Vahyauz, faen soengq daengz gak hingzcwng saehnieb danyih, yanghcin caeuq cungh siuj hagdangz daengx yienh.

Aen yienh neix ndaw gyaic miz vwnz Yauzcuz 18.26 fanh boux, ciemq 60.09% vwnz daengxcungq daengx yienh, gangj Vahyauz cujyau faen baenz Vahmenjij Gosanhayauz caeuq Vahyauz Diegbingz(Vahyauzdoj Diegbingz, Vahbaujing), seizneix daengx yienh boux rox gangj Vahyauz miz 5

fanh boux baedauq, gaenq mbouj daengz sam faenh cih it vwnz Yauzcuz daengx yienh. Vih gujli gyoengq ganbu vwnzlai hag Vahyauz, gyaak hong doigvangq caeuq yungh Vahyauz, youq daengx yienh cauxok gij heiqfaenh ndei gyaenz Vahyauz, hag Vahyauz, gangj Vahyauz, aen yienh neix cujiz Aen Yozvei Yauz ndaw yienh youq bi 2016 ndwen 12 guhsat hong bien raiz 《Ceksaw Doz Vahyauz Gunghcwngz》, youq bineix ndwen 7 hawj Yanggangj Swjginghvah Cuzbanjse yaenqfat oksaw.

《Ceksaw Doz Vahyauz Gunghcwngz》 gungh soucomz danhsuz caeuq vahdinj 440 lai aen(coenz) vwnzlai Yauzcuz dangdieg youq ngoenznaengz guh hong gvaq ndwen-

ngoenz yungh haemq lai haenx, aen swz ndeu mbaw doz ndeu, youz Banz Meijvah fuveicangj Aen Yozvei Yauz Guengjsae biu yaem Vahyauz, caemhcai boiq yungh Vahbujdungh Vahgun ciuq Vahyauz fatyaem, hawj bouxdoeg doiqciuq gyoep doeg, saw doz caemh miz, genjdanh hag ngaih. Doengzseiz, aen yienh neix lij ciuq ceksaw doz bienbaiz gonqlaeng, youz yienh gvangibo densidaiz doengzyamq loegguh le 23 geiz sibinz sonhag Vahyauz. Yungh Soujgih sauw wweizmaj fungdaej ceksaw doz couh ndaej yawj. Aen sibinz sonhag Vahyauz neix gaenq daj bineix ndwen 3 hainduj youq Gunghcwngz densidaiz faen geiz boquengq.

(Moz Yaujhanz/莫晓娴)

SIUSIK DINJ

简 讯

● Ndwen 8 ngoenz 21 banhaemh, Lungzlinz Gak Cuz Swciyen "cingcinj banggungz, muengh gvaq siujgangh" bi 2017 vut gungz gunggeng vwnzyi cunzyienj roengz mbanj youq Aen Cungsim Vwnzva Hozdung Mbanjbenjyaz Bingzbanh Cin hainduj. Gyoengq bouxyienj doxlwnz hwnj daiz yienj diuqfoux, siujbinj, vaiqbanj, fwen daengj cezmuz ndeiyawj, yungh gij hingzsiik vwnzlai maij dingq haengj yawj, senhconz vut gungz cwngcwz, yienjok ndaej gyoengq bouxyawj dopfwngz haenhndei.

(Vangz Lungzvaz)

● Bineix ndwen 8 ndawcib, Nazboh Yen cingqsiik hainduj mbanj cizdij ginghci gvanghfuz fat dienhanggungz canjnieb hanghmoeg, gveihva gungh douzhaeuj 2950 fanh maenz, haenqrengz ceng'aeu doenggvag guh aen hanghmoeg neix, demgya gij cizdij ginghci souhaeuj 59 aen mbanjungzhoj. Gujsuenq moix aen mbanjungzhoj douzhaeuj gvanghfuz canjnieb hanghmoeg 50 fanh maenz, yungh 3 bi seizgan saedyienh aen muzbyauh daengx yienh cienzbouh hingzcwngcunh (segi) cizdij ginghci bi souhaeuj 5 fanh maenz doxhwnj.

(Liengz Yenjavaz)

● Geij bi neix daeuj, Ginhciu Yauzcuz Swciyen souj ndei song diuz sienq hwnghat caeuq swnghdai, ciuq dieg bae hwnghat lijyouz, cangqheiq daengj canjnieb hwnghmoq, haenqrengz dajcauh binjbaiz daegsaek Ywyauz comz yw, hoizfuk ndangcangq, ciengxndang guh itheij, canjnieb yw minzcuz Ywyauz guh daiqbiuj haenx hwnghat vaiq, giyez majhung haemq ndei.

(Dauz Ginhhoz)

● Geij bi neix daeuj, Mungzsanh Yen Mungzsanh Cin yungh gij vunqsik "aen giyez lingxdaeuz + gihdi + ranzgungzhoj", yungh gij hingzsiik ngaenzcienz hauejgij dakciengx baujdaej faenhoengz, bangcoengh 133 ranz ranzgungzhoj laeb dangjan laeb gaj haenx dakciengx moudojndaem, moix ranz cigsoh laisou 4860 maenz, rengzrwd hawj ranzgungzhoj vut gungz.

(Gvanh Sinh)